



長流水

記得有一條河壩，對山頂流到海唇，青山做伴，花草陪伴。清清个流水，畜養歸群个魚蝦，也提供厝頭个鳥獸、人家日常个用水。一年透天，河壩水對上背流到下背，對頭前流到尾項，流出靚靚个風景，乜流出靚靚个風情。這河壩水，就係一條長流水，長流在大家个心肝肚。

頭擺人年節劇雞撈鴨，會先將頸根項个毛撈淨，再使菜刀割斷頸根个血管，一儕搭等雞鴨个腳根，膚身托高高，一儕撈雞鴨个頸根放低低，分雞鴨个血，順順仔流入碗公裡肚，一直到血流淨、雞鴨毋會停動為止，再放入滾滾个燒水裡肚燻過。該央時，有當多人家，同雞鴨擲到河壩或者圳溝唇去撈毛、翻腸、夾毛菇仔，無用个腸屎、毛菇仔就放長流水裡肚，分佢漂流、打走。

字紙毋好亂丟亂擲，無成會讀書毋識；字紙係講拿來坐，驚怕會綿屎拙喔——這係還細時節聽阿公講過个話，還深刻在吾記性个面板項。還記得有一擺跔等阿公个屎拙尾，去到莊項大廟唇个火爐前，撈屋家擲來字紙籠个字紙，一張一張放入爐空肚去燒。阿公念念有詞、過化存神，爐火煙灰跔等流動个風，飄上天頂、直達天庭，續後撈燒過个紙灰裝入銅笏仔，委到坑仔裡肚，分長流水帶到當遠當遠个地方去。

在該自來水官有普及个年代，衫褲襖婆、盆頭鑊蓋洗洗湯湯，會去到長流水个所在；長流水，也係大人細子搞水洗身仔、摸螺挖蟹个天堂；爺衰係過身，子女在法師个帶領之下，會去到長流水个所在，向河神買水，洗淨身項个厝糟同冤屈；廟項醮典，信眾會去到長流水个所在放水燈，招引水路个孤魂野鬼，來享用普渡个盛宴，在法師个誦經行法之下，鬼魂得著超生……。

在該自來水官有普及个年代，做得講所有生活个一切，就離毋開長流水。長流水，一直長流在每一儕人个心肝肚。毋過講也奇怪，這下个人總知自來水，毋知麼个安到長流水，也毋知，自來水乜係來自長流水个呀！

作者：邱一帆

☆詞彙學習☆

- | | |
|--|-------------------------------------|
| 【翻腸】pon' cong'：以筷、棒等物將雞鴨之腸子內壁外翻，以便沖洗的動作。 | 天庭，並祈禱上蒼了解人們的敬意。 |
| 【毛菇仔】mo' gu' e'：細短汗毛。 | 【坑仔】hang' e'：山間小溪。 |
| 【屎拙尾】sii vud' mi'：屁股後面。 | 【襖婆】o' po'：厚衣服。 |
| 【過化存神】go fa sun' siin'：在聖蹟亭焚燒字紙，將祭惜字紙的觀念、精神傳達到 | 【摸螺挖蟹】mia' lo' ied' hai'：在河裡捉田螺、螃蟹。 |

☆文法學習☆

【總知……毋知……】：只知……不知……。客家語的「總知」在此指「只知道」。

例1：煞猛个人總知好做，毋知好寮。(勤勞的人只知道工作，不知道休息。)

例2：佢總知好講別人，毋知好檢討自家。(他只知道說別人，不知道檢討自己。)